

晚晴移詩匯

晚晴詩匯卷九十三目錄

王汝璧

十七首

尹壯圖

一首

孫志祖

二首

沈世煒

一首

謝垣

一首

汪孟錫

十首

閻循觀

一首

管幹珍

三首

李殿圖

三首

姚頤

二首

牛稔文

一首

唐樂宇

四首

朱琰

七首

陳樽

三首

唐文灼

一首

周恭先

二首

張映宿

二首

洪榜

二首

李元滄

六首

趙大經

一首

唐金

一首

路邵

一首

王辰順 一首

錢九府 四首

宋赫 三首

莊焮 一首

徐天柱 一首

陳嗣龍 二首

鄭際唐 一首

伊朝棟 十三首

吳壽昌 四首

任大椿 九首

鮑之鍾 八首

潘奕雋 七首

張塤 五首

李因培 二首

陳庭學 二首

張翹 一首

陳朗 二首

朱紉蘭 一首

魯仕驥 三首

晚晴移詩匯卷九十三

徐世昌

王汝璧字鎮之銅梁人乾隆丙戌進士官至刑部侍郎

有銅梁山人詩集

詩話鎮之爲錢文端之婿弱冠所爲詩每一篇出輒爲文端激賞當時有快婿清才之目少受沈歸愚及香樹老人詩教及通籍後與程魚門錢南園聯會賦詩時稱巨擘服官內外每移一地擢一官皆白爲集其詩專學昌黎夏夏獨造力洗凡庸但喜押險韻時有附會

納涼

蕙風吹暗綠荷露落輕陰卽此成幽賞因之寄遠心
褰衣看綺縞仰面數辰參不覺涼生掖裴裒月上簪

七夕和昌谷韻

果然天外事茫惚使人愁
纖月不照地流螢時上樓
暗光

零砌草微響動簾鉤浪喜從兒女桐風自報秋

乙酉人日

曉卧不成夢空雲凝晝陰漸多離別感不盡去來心綵勝
敲愁鬢春風祕古琴情懷只如此刺促又從今

同士會兄入南屏山訪大恆讓山兩和尚遂宿讓公
山舫并讀前後諸集同用東坡上巳出游韻索恆
公和

走來一路曼陀雨打包直入南山塢高顛長鬣兩詩僧對
面橫譏雜嘲侮笑看居士衣上花漫說闍黎齋散午讓公
讓我山舫眠天親兄弟到爾汝趙州茶熟芋火殘鸞漂鳳
泊風窗舞省卻伊雅欵乃聲曾無繡被焚香苦卧游坐穴
一榻雲遽遽便作遽廬主無臺明鏡涵髻螺不費金錢看

眉嫵可信三生慧業人亦復清虛亦塵土平生不讀寒山
詩何意踏破蔬荀圃身不及膽凝于神羚羊角上卓錫所
筆尖香界眾相呈蛇神牛鬼時花女詎獨支遠已贊休昌
黎老子頭亦俯不到聖處吾未能舖糟更借香廚煮此心
未必如石頑尙解逢僧作軟語肯將文字縛戒禪莫負湖
光徹天宇儒臞禪悅同兒嬉彌勒龕中腹爲鼓結社便呼
小朝川維摩不言已心許連朝巢飲木不顛幾夜風行坎
無阻不管長鯨與寸莛急課晨鐘來報子

客平昌兩次皆苦霖雨撥悶成什

暗雨過亭午羈愁連夜分龍鍾千个竹狼藉一山雲冷燐
依檠動奇鷓逼枕聞曉看舊巾角又是瘴癘薰

平昌縣滯雨感懷時士會兄歸蜀壁將返構李

一片浮雲暗路歧，忽成西笑忽東悲。差池別燕難爲語，三
匝慈烏更有枝。游子忍能題遠志，春風不管怨將離。懷歸
何處歸猶客，一種深情各自思。

邀子田過守陂飲卽送歸興化

役役勞此生，夢寐積塵埃。兀對多遐思，何緣得欣賞。淮南
樂託人，歲費屐幾兩。每同社燕來，旋與殘春往。繫彼江上
舟，稍就林屋爽。主人方據梧，茫然一拊掌。顏色似老蒼，風
骨更巖崑。深談移夕陰，古意澹相餉。老藤垂晚花，新篁發
疏響。昔年醉歌處，月影自恂悅。散聚一轉移，今昔足俯仰。
忽焉感晨星，孤思落雙槩。月斜情已馳，酒醒意殊惘。摻手
話後期，低頭費深想。

和昌黎短燈檠歌

短檠何短秋夜長夜分兀兀凝青光緣階射砌候蟲發欲
爇不爇生秋涼桁上無衣盎無粟有鐙著壁花照牀牀頭
太息讀書客不信謀生竟無策推書起視天宇蒼案戶明
河大星白後之視今今視前繁憂輾轉安得眠長檠長檠
胡自恣照耀空花亂春翠仙人燭樹吹作煙區區長檠何
足棄

雪夜郊行口號

夢向瑤階月下行相逢人是許飛瓊含春笑語空千里瑩
骨清寒過一生定有雲歸三峽遠那無衣似五銖輕不知
鄧尉梅花色何似燕臺柳絮情

秋夜同人小集水月亭用昌黎曲江荷花行韻

連天白露秋山淨山光在水天如鏡方亭圍坐三五人案

戶天河正當正波心倒映台符六三朵紅雲爛盈目星冠

翠蓋來娑娑世間尤物原無多池蓮僅放三枝吳郎拍徧普菴咒

吳瞻巖善琵琶張生唱出西州歌張芝厓詩我舞巴歛慚下里碎玉

噴珠落池裏金波杳杳月未來呼之不出聊舉杯紅鐙翕

艸夜珠泣蓮花欲落鐙花開好待銀蟾推駕玉輪出青天

碧海昔昔相趨陪

偕芍坡繡以游趙州柏林寺用昌黎山石韻寺有虞世南大

書攀龍鱗附鳳翼二碑殿壁有畫水相傳爲吳道子畫或云吳小隱筆

水光定相何精微咫尺萬里洪濤飛龍騰鳳翥永興筆率

更太瘦常山肥千秋書畫此雙絕吳仙名字還依稀柏林

老佛去已久茶香尙可療朝飢雛僧八十瘦如鴿坐看凍

唇關柴扉松明活火燒石鼎滿庭柏子香罪罪曼殊寶地

花沒膝諸天龍象紛成圍笑我枯腸自搜索嘗然風雨生
裳衣從游偶儻得二子如出洼水新受鞿乘風破浪自茲
始瀛海蕩蕩相依歸

八蜡廟會歌用昌黎汴泗交流韻

天雄城西曉吹角黃雲撲面風如削迎年土鼓來迤迤叢
祠古瓦飄靈旗貓虎踞箕對騁怪索饗便似神工爲釀金
報賽年年定百貨駢羅共輝映日中列肆光陸離齊商晉
賈連鞍羈彈箏擊筑樂復樂得錢沽酒相逐馳俗恬歲美
時多暇忼慨聲中民氣化寒飈纖雪片麤俚儺百隸交
歡呼阜財待續貨殖傳樂事寫入幽風圖穰穰滿家洵難
得朝無索逋夜無賊

春陰

弱柳惜惜慘麴塵流雲忽忽駐苔茵
凌兢曉色留殘夢料峭餘寒勒閨春
細雨暗遮微醉客好花紅近倚樓人
端居莫漫增愁思待看甘膏潤物新

過車騎關

盡日顛風不肯停
次花擘絮滿郊坰
荒荒野色無邊白
黯黯春痕未了青
犂確當關排澗石
蜿蜒引勝接林亭
黃雲瘦馬邯山道
長笑仙人喚不醒

雨夜用謝惠連秋懷韻

農功亦既成霖雨迺無患
忽忽雲向陰耿耿秋未晏
昨宵天宇澄起視明星爛
碧漢或浮豕夢雨先滯雁
蟋蟀織虛堂蠨蛸挂塵幔
音書憂喜雜氣候暄寒半
泥塗浩縱橫期程昧籌算
沒車馳不休日馭行且慢
策勳羨榮名素食擅

薄宦趨事亟奔走餘情慙眺翫放懷當秋岑攄志寄雲翰
偶憩花木清不涉絲竹亂徙倚足相羊風雨積昏旦時序
未覺遷雲物一何煥晨風無近心鳴鶴有幽歎獨有吹幽
人羔酒樂親串

雨後望千佛山

巖巖神嶽開朝霞冠裳羅列天孫家曾巒北拱作屏衛曰
稽帝力欽重華山人終古事耕鑿深居時復游麴麴題名
千佛昧所始神斤鬼斧誰搜爬十方刹土不可計各各會
合來無遮自然師子交露帳一塵一佛參兜沙祇恒具足
曼陀雨大地涌出青蓮華我來渴仰一無語兩行古柏森
排衙堂皇愔愔似方丈指麾灑雨驅藥叉此邦吏敝民亦
窳如一箴艾砭癥瘕刑期無刑辟止辟我聞如是非毘邪

但呪鉢雲作甘霽長我黍稷滋桑麻河澗澗各遵軌毋
使赤子爲魚鼈佛天錫福我弭患茫茫願力眞無涯

小除夕大雪

驅儼遶遶紛紛踏沙虎皮四目森排衙誰將七十二泉水一
夜翦作連天花雨風颼颼溼鼓震山坳怪石填人家凍雲
沈沈黑如墨月明霜白驚昏鴉元亭有客夜吐鳳筆花視
雨何滂葩枯腸正要酒脯祭白眼不待金篦爬旂檀丈室
結繆篆松明石鼎煎苦茶但看玉屑落塵尾豈有銀杯隨
馬撾冰壺涸沍春欲透野田凍雀休啁嗟與糧載糗笑多
事短檠吐燄如彤霞

尹壯圖號楚珍蒙自人乾隆丙戌進士改庶吉士授主
事累官內閣學士兼禮部侍郎銜降禮部主事加給

事中銜

詩話楚珍改禮曹居諫院有聲自僕少擢周學時和相秉政相習爲侈泰楚珍疏言諸行省倉庫空虛商民感額愁歎忤裕陵旨令從侍郎慶成察諸行省倉庫至其地慶成輒先游譙徐俟有司彌縫及檢察則一無虧缺楚珍坐妄言左遷遂請告歸里仁廟親政以其言伉直召入對知其母年逾八十加秩視給諫仍令歸養許上疏

言事居數年卒於里中

題師荔扉春宵佇月圖

科頭散步立閒階
繪出蕭然曠士懷
別有逸情凌海嶠
無須近水羨樓臺
崢嶸玉樹香凝砌
瀟灑芸香淨絕埃
翹首問天頻煮酒
幾時邀得二人諧

孫志祖字詒穀又字頤谷號約齋仁和人乾隆丙戌進士授刑部主事歷官御史有頤谷吟橐

詩話頤谷有夙慧兼通羣經正王肅之僞撰家語疏證蘄謝承之佚撰後漢書補正又輯風俗通佚文補

文選李氏注嘗繪深柳勘書圖自題二絕句曰劉向
揚雄今不作校書難比著書難金根日及愁多誤莫
妄雌雄子細看謝承後史誰曾視應劭遺編
僅有存排纂苦心忘歲月柳花如絮記春痕

過南陽

天低湖水闊浩淼入空冥帆影有時側風聲不可聽人家
依淺岸野艇狎浮萍此地經過數今疑到洞庭

落葉

秋霜一下眾林萎葉落成堆未掃時流水年華人易感辭
柯消息鳥先知小園竹徑風聲寂遠樹柴門日影移莫道
婆娑生意盡憑闌點筆好題詩

沈世煒字吉甫號南雷又號沈樓仁和人乾隆丙戌進
士改庶吉士歷官禮部郎中有澹俱齋詩集

再過郎岱恭朗軒司馬招飲夢魚亭卽席率賦

被省相親憶昔年重教兩度續前緣茅亭小築依苔徑山
雨初來響石泉萬里征塵銅鼓外一尊鄉思鏡湖邊多君
念舊情彌切欲別重留意悵然

謝垣字再東號東君嘉善人乾隆丙戌進士官刑部員
外郎有壺領山房藁

嘉禾寓中聞秋蟲

何處瓜哇絡緯聲虛堂敲枕正三更旅人本少思鄉夢都
被秋蟲暗織成

汪孟錡字康古號厚石秀水人乾隆丙戌進士官吏部
主事有厚石齋集

王德甫曰康古與都御史金公德瑛親戚得其指教
者多又與萬孝廉光泰王西曹又曾錢少宗伯載相
劇切大抵叢書神說考核精詳魁然自異於眾
與其弟仲鈔以詩名江浙又通內典兼精術數

詩話乾隆初秀水多詩人諸家皆發源西江入奧出
新不落畦町而澤之以典籍範之以格律刊落槎枒
獨標名雋厚石在諸家中如
驂之漸尤與柘坡居士爲近

京口夜望

鐵甕秋風尙憶吳古來項口勢雄孤楓林色好迷煙霧雁
陣聲寒亂舳艫離立髻鬟堪北顧橫陳衣帶只東趨夜燈
如晝憑闌仨城郭揚州得見無

題七姬權厝志後

魏公席卷弁山來赤龍船燒心膽灰飛礮忽碎丞相首榮
陽左丞何爲哉七姬自是良家子倉皇兵入姑蘇里君受
國恩應自理妾受君恩尙何俟一者先行餘盡起徘徊攬
輓今生已此時貴主知安在此際焚骸淚如水西門掩襲
又潛奔東城藁葬誰重徙巾幗由來愧丈夫終隨降將擲

戈父齊雲樓下通天火玉殞蘭摧恨不殊鍾繇之書埋百
年宋克書摩挲一再重惘然吁嗟乎廟無觚稜冢無突上
虞孝溧陽貞後先永永銘堅石

送穀原之太平

伊人愛江行越舸喚平底霜風挫倒生尙有樹如薺渺想
滴翠軒主情厚兄弟亦知季女飢豈必餘祿米留連感黃
菊九井秋容洗白仙島亦佛墓棘見應涕蕪湖西北流逆
泝此程遞斗酒照寸心今宵足且抵

喜柘坡至

日日西山翠掃空豈知我友在山中人言河漢宜清淺秋
近重陽未雨風何代石經刊不朽一時芒屨悔難同退尋
自是關胸次無礙京塵撥面紅

奉常金檜門姑丈招飲論詩有作

黃花滿徑秋蕭瑟太常齋期日復日不齋呼我同醉醒論
詩揮霍驚戶庭新詩句法出有自煙火凡間全吐棄自歎
倔強不諧俗我謂蘊藉盡如意枯腸沃酒須淮灑才薄敢
與誇代興別裁往往出心得益勿克違龜十朋霜風拂拂
上陵去做篋空囊屬徒御健句攜歸得神助欲索解人誰
殆庶烹羔烹鹿莫怱遽詩中至味我先飮

贈郭昆圃解元

曾過垂簾肆偏逢墊角巾文章工聒聒僕馬苦逡巡翠髮
丹顏日尋山問水身三頭應屬爾溫飽笑人人
欲出竟何詣仙宮息影高偶然箋爾雅不自賦離騷壯氣
懸孤劍寒心繫短袍秫田無恙在時共說鄉醪

爲陸守之題尊甫寒山舊廬圖次張文端公韻

一篇故相跡饑邱乞和而今徧貴游
謫委欲翻千尺瀑嶽岑更上一層樓
再傳木石完無恙五載雲煙駛若流
此境此人殊足樂斯文斯畫迴生愁

友人南歸作家書

封罷開封淚滿彈夜窗梅雨逼鐙寒
到頭剩有平安在信筆方知慰藉難
好友多情煩再索癡兒解事定爭看
詩成亦擬郵筒付得句從來勝得官

天津查儉堂分守慶遠重建龍溪黃文節公祠賦寄
天津查君今豪士權守蠻荒天所使文章政事到古人
能使古人今不死誰遣涪翁住南樓赤腳承溜不言愁
樓前杜鵑叫鉤輅何時金雞赦九州生來羈管死戀留
部民獻

地廟祀修嘉定以後兵燹改丹霞不作此心在雲興雷集
傾一時山高水長望千載詩人萬子君故知妙賦南池工
部祠吾家仲弟才亦橫生好公詩如性命假若二子在世
閒定有傑句發天慳題成欲寄重欵獻萬里遙醉愁雲山
閻循觀字懷庭號伊蒿昌樂人乾隆丙戌進士官吏部

主事有西澗草堂集

詩話懷庭學行醇篤官考功守法謹嚴不稱
假借工古文治詩書春秋論語皆有箋釋

望孤山

山頂有伯夷叔齊廟

山色秋天外黃昏望不迷中峯殘照在東麓一星低空翠
寒衣袂清風到杖藜平生慕真隱長揖謝夷齊

管幹珍字暘復號松厓陽湖人乾隆丙戌進士官至漕

運總督有松厓集

詩話松厓磊落使才不涉纖靡
在同時毘陵詩人中自成本色

太常仙蝶歌

世間蛺蝶亦無數仙乎獨數太常署自元以後不計年適
從何來何所去昨冬長至除齋宮奉常奏記關宸聰詰朝
栩栩出祕室雪地頓覺春光融官司驚告禮官喜入視親
呼飛復起錦函恭進香案前五色雲中間闔啟召詢始末
天顏開傳觀九列謹如雷錫名仙蝶送歸署異數一日傳
金臺奎章煌煌記天筆永與星雲燦東壁金鰲退食賜和
多爾雅蟲魚記難悉我聞壽愷之世無瑞無跂行蠕動歸
洪爐燕知背歲龜獻洛游泳元化羣倫俱況當南交桂蠹
西苑馬緬甸馴象紛來下非關微物應時來別有神明格
天者不然漆園之夢滕王圖銀鬚玉拍隨秋枯何爲此蝶

獨壽世缺翹竟入承明廬豈逢南郊告大有有脚春生聖
人壽八旬天子慶無疆祝嘏明年徧環藪魚潛太液抱珠
游鹿放長春戴月吻蝶飛祇繞宮牆畔不向羅浮海外求
丹陽懷古

匯澤中江繞故城下襟揚越上巴荆銅符募士才丸土木
枋乘潮又被兵破竹勢成風自利銜刀識應續空爭可憐
鄣口千尋鐵不救孤軍化鶴聲

登城

午潮激灩綠波盈春樹人家雨後清草色滿營飛燕子落
花如雪獨登城

李殿圖字桓符號石渠又號露桐高陽人乾隆丙戌進
士改庶吉士授編修官至福建巡撫降侍講諡文肅

有番行雜詠

詩話文肅初自詞館入諫垣阿文成討亂同合督餉卽除鞏秦階道兵後輕征衛玠反側招流亡民頌其德尋以勘界行邊深厯人蹟不到之地卒定界而還自是游摺至大府以奏事稽緩改四品京堂授中允遷侍講卒後復官同治中追謚旌舊勞也

番行雜詠

卻行祇覺馬蹏偏
竟日微窺一綫天
七十六盤彈指計到頭不信有人煙

昭靖當年自請纓
納麟七站出奇兵
依稀瘦瘠成禽處
偉績千秋說沐英

羊嶺鵝溪古戰場
黃頭九百楮礪房
正嘉勦撫均無策
漳臘何曾是大荒

姚頤字雪門
泰和人
乾隆丙戌一甲二名進士
授編修

歷官甘肅按察使有雨春軒詩草

詩話雪門詩多放筆爲大篇氣勢浩瀚頗有長江大河泥沙雜下之概集中有與成哲親王翻唱之作王爲題集稱其才思高深學術博贍至於法度氣體能熟文選理得老杜骨意欲細讀數日庶毋海空手寶山蓋官侍從日嘗從朱邸游也

觀大興師所藏宋槧施註蘇詩本敬題其後

漫堂昔鏤蘇詩集標名註者吳興施天吳紫鳳劇顛倒初

白菴主爲詆訾廬山真面在何許嘉泰遺槧空嗟咨歛然

滿堂色皆動誰其藏者今吾師司諫絕識名當時該洽助

以吳顧禧都梁太守廣年譜如善注選家學貽序筆親邀

渭南伯楷法特倩安撫司傳稱官安撫使司是本其手書也不辭獨反烏

臺案要令家習眉山詩家有眉山之詩宋我觀宋人所註

集頗多神明相護持臨川功臣雁湖李元代鐫梓今猶垂

黃箋陳疏重天社帙飄版落惟宋祁山谷更傳二史筆外

集別集全豹窺蘇之注者尤號夥唐趙沈黃俱劫灰梅谿

卅卷特完好請訛或恐贗鼎爲自非施家作述力景星鳳

皇爭睹誰惜哉十二仙人珮風煙縹緲何年飛施注原本

今止存正如樵李李太僕五百家注韓退之秀水李君實

五百家集注本中缺藏宋槧昌黎留餘僅此吉光羽彫殘又飽蟬魚饑

三卷見曝書亭集簡蟠科斗文字缺行亂蚯蚓形模敲雖然斷圭總至寶如

九石鼓餘慶歸吾師論詩脫曰蹊妙抉骨髓遺毛皮浣花

舊編已斷手師甫注笠屐新圖行洗眉他時雙壁照菽苑

明星千古開雲遶會當從師校且讀不數上客由儀詞朱

堯題宋氏本詩云上客爲補由儀詞謂邵子湘也

開元鐵牛歌

大纜連連兩岸曳牛人執鞭牛努力大河汗汗四野流黃
沙裏牛牛人愁厥初開元全盛日朝貢合沓商旅盜大編
艘艦便車徒河上三橋此其一賦晉一鼓鑄豈任合鐵幾
州牛始出四關之西四河東柱作蒼擎山作磧津迎天子
祀汾輿贊出從臣大手筆壯哉此物尤最肩巨靈當頭那
敢叱自從高岸深谷淪求牝求牡牛失羣皇皇左牽右誰
挽落落孤渚四今存今年秋漲地軸裂蛟龍怒吼鼉鼉翻
長風助號濁浪底老牛力竭吁何言噫嗟乎呼汝以牛應
以牛汝身雖鐵心不鐵張公神劍有時合象罔元珠求還
得何時入牛復舊觀突兀便見對岸立約束浮梁免漂泊
付與勾管使者重驅策不然將伯無助何所庸不如倏忽
化作黃犢供三農濁泥五斗腴所鍾苴令家家年歲豐我

亦從今不擬橫笛效野牧但願年年鞭春長作多牛翁
牛稔文字用餘號師竹天津人乾隆丙戌舉人歷官湖
南督糧道

訪冒園小坐

偶向清齋賦索居回頭三五少年餘仁嘗宦味新茶似久
歷名場鈍硯如談舊每思從老輩看花又喜到春初奚僮
怪我三更後貪讀平生未見書

唐樂字字堯春縣竹人乾隆丙戌進士歷官南籠知府
有黔南詩存南籠遺藁

觀音礪

道路無平陂人心自夷險我來苦頻復韶華虛過眼流水
仍潺潺白日青霜慘心折散關西空山足重繭造次拔鯨

牙鼓勇吾亦敢掃石爾何人題詩破鬼膽

曉發劍閣

風雪年前慣崎嶇此再經雞聲催落月驢背帶殘星路入
仙山異林迷鬼火青耐寒無別計醉酒問旗亭

朝天關

愁聽奔雷百折灘峻嶒峭閣俯江干戍旗落日關山迴鈴
鐸西風草樹寒煙外帆檣通廣漠雲中宮闕望長安題詩
莫漫愁孤絕千古魂銷蜀道難

畫眉關

剝松千尺捲風鬢苦竹叢深夜雨斑夾路清猿嘯不住銷
魂最是畫眉關

朱琰字桐川號笠亭海鹽人乾隆丙戌進士官阜平知

縣有笠亭詩集

陳曼生日笠亭先生爲嘉禾七子之一宰阜平以文術飾吏治著述甚夥有金華詩錄及陶說已刊行

舟經太湖指點湖山懷漁洋堯峯二前輩

疏鐘夜雨過楓橋
鄧尉看梅泊畫橈
愛煞漁洋好風調
煙鬢鏡黛擁寒潮

峻絕堯峯聳碧漪
洞庭春好費相思
輕帆一夜西風度
霜滿山園唱橘枝

讀張楊園先生補農書作

學者急治生豈爲憂不足
衣食無所求乃得立邊幅
入世重廉恥務本貴菽粟
養心亦養身保身如保玉
玉碎難再完身失焉能贖
桑田有典型種藝若先覺
楊園非農家排纂到耕牧
殆恐士習移欲將古風復
帶經本可鉏漢書挂

牛角從來英雄人大半兼耕讀

地員辨土宜管子精擘畫大略分三等有施長七尺以之
測土深高下定爲格其次亢倉子遺言亦可釋耕道計手
足苗行審強弱差不許毫釐皎若別黑白匪獨幽風圖可
以繪殿壁人滿旣可憂生事又相迫與其算錙銖毋甯辨
菽麥樊遲非小人學稼今上策

或曰古四民最苦農在野佃種食餘粒年豐亦患寡被體
無完衣充腸只菜把商賈操奇贏鮮衣而怒馬往來雜冠
裳氣習同紈袴何必去市闈辛勤向里社嗟哉豈其然光
華石中火大抵起耕農基厚業難墮試看古田家吾鄉舊
風雅吾鄉詩人西村翁自號古田家住居村落不廢耕桑
至今幾二百年子孫數十家猶守其教無大富亦無
大貧衣冠樸素尚有古風毋吟估客樂遂謂富人哿

殷勤說重農農夫正在外今年歲不登未得饜粗糲八口
既嗽嗽百事皆味味種穀已無成出門走相勻回看市井
中昂昂坐牙僧販糶且爲豪居奇何足怪或又爲吾言眼
前見成敗不知此天災人事貴預備安得如農書精詳有
校計吾願爲老農教稼課殿最

武林晤錢松南

林

索余何義門校定文選本因與談

古今文體升降成長短句一章卽書其後

文選爛秀才半前人之言豈河漢後來文士卑六朝較羸
輓劉追陶姚那知高論起風雅徒使落筆空枝條華實自
相因根植可抒藻巍巍文選臺屹立不易倒東坡解事薄
小兒恐亦耳食未深討讀書種子得義門河原本會尋崑
崙制經緝史有餘力迺復來闔曹劉藩目中一字不輕放

欲使臨文絕影響從茲論辨始見眞譬若片言折堂上吟
才今日傳湘靈夜照太乙然藜青十年好古有元本肯誇
明月遺秋螢

陳樽字酌翁海鹽人乾隆丙戌進士官新津知縣有古
衡山房詩集

金粟寺觀孫吳戰鼓同馬三

緯雲

吾四

祖望

賦

獨桑代作鼓剝取鼉皮蒙遠從炎漢末留駕梵王宮憶昔
喪亂初羣雄相交攻陣雲迷夏口烽火照江東艱難百戰
餘冀以樹豐功如何逞淫奢霸業轉蒿蓬蕭條金粟山臺
殿何穹隆六時聞梵放萬慮息虛空淵淵齋時鼓聞茲清
夜鐘空堂但一振吼怒驚罷熊昔作三軍氣今伴佛鎧紅
世諦有時盡淨業無時窮懷哉閱塵劫誰復論英雄

在平懷古

輕雲垂野弄春愁，細柳含煙滯客舟。
亂後射書多慷慨，酒酣滅燭亦風流。
一時經濟思張鎬，終古功名憶馬周。
明日穀城山下路，瓣香應復弔留侯。

生子

少小性頑劣，不知父母恩。
稍長事功名，溫清忘晨昏。
百骸俱強健，寒衣而飢餐。
一朝試保赤，始覺勞心魂。
嗚時候眠食，臥時察寒暄。
一日三摩挲，身去心終存。
憶昔孩提日，辛苦親不言。
我今幸生子，親又喜抱孫。
遑論門戶託，且冀宗祧蕃。
得孫甚得子，重復勞雙親。
雙親今白髮，甘旨無兼珍。
仰事堂上親，俯育懷中人。
一身轉中立，俯仰餘悲辛。

唐文灼字見遠，號藥洲，晉甯人。乾隆丙戌進士官孟津。

知縣

官舍

官舍通村曲居人但掩關借貧堅酒禁留病伴春閒離思
孤雲外鄉心落照間便歸誰識得蕭颯改朱顏

周恭先字平山一字素芳新化人乾隆丙戌進士官建

水知縣

八月

八月清光迴登高覽薊邱鳥開滄海日天接太行秋畫省
風雲合煙城草樹浮冥冥千里外鷓鴣起中洲

和吳蘭柴過常山作

太行東下俯蒼冥正定城高壓井陘萬里河山歸睥睨百
年烽火靜郊坰遠帆落照淖沱水匹馬秋風麥飯亭欲訪

居人尋舊事酒帘垂處柳青青

張映宿字次南號鶴舫陽曲人乾隆丙戌進士官知縣
有鶴舫詩藁

涇州送外甥周樹棠歸省

匏繫邊城役迂疏誤此生相依惟汝在秋杪復登程病葉
吟風落孤鴻帶月征多愁涇汭水鳴咽送君行

連日勸君還臨歧又黯然天涯誰骨肉宦海滿秋煙逝水
千波疊寒雲萬壑連五陵家釀熟歡笑小春天

洪榜字汝登一字初堂歙縣人乾隆戊子舉人丙申召
試授內閣中書有初堂遺藁

詩話初堂選於經學與同郡戴東原金輔之交最篤
借其所著多未成書詩亦不多作今所傳者僅此蓋
亦吉光片羽也

秋河

秋城寒柝隱霜聲銀漢中宵望不迷耿耿正臨金闕直昭
昭還似玉繩低河山兩戒殷星鳥樓閣千家起曙雞萬里
鑿空勞博望天台原自有丹梯

秋蛩

秋聲萬種在風前聽到寒蛩倍惘然野舫正添三尺水夜
堂初種七條絃月殘東壁難成詠雨暗西窗未穩眠輪與
邠陽姜白石獨吟愁賦寄遙天

李元滬字書源號舒園又號鶴坪密縣人乾隆戊子舉
人歷官靖州知州有楚南草昆海聯吟

憶東溪

浮家三十載舊宅亦何有徘徊松間月知憶主人否采采

菖蒲花何時復入手

棧道雜詩

地入褒斜道，蟠空上杳冥。千尋窺澗黑，一綫東天青。林影孤，羆坐山風怪。蟒腥魂傷北來客，吁駭此初經。

三極西南隔，連峯走劍州。亂山圍寶雉，古驛過金牛。馬絡秦雲溼，天回漢水流。曾聞叱馭使，不共嶺猿愁。

形勝當天險，龍爭識故關。鳥飛籌筆驛，雲護定軍山。世降英雄奮，時清鎖鑰閒。一聲嗚謝豹，慘盡旅人顏。

全身裹翠微，重霧苦侵衣。棧騎隨猿挂，山泉學弩飛。二分懸足窄，九折入雲飛。無酒澆徒御，誰家白板扉。

劍壁鬪青蒼，天風吹急裝。俯身憑鳥背，束馬度羊腸。石氣霏成雨，山精嘯有霜。勒銘思在德，休侈一夫當。

趙大經號春澗德州人乾隆戊子舉人官武清知縣

游戒壇山贈寺僧達文

河流混混渡桑乾雲際朱樓指戒壇細馬一鞭忘犖礪春
衣重襲怯高寒塔中鈴語僧應解石上松髯客許攀欲向
名山詢故事多聞喜得見阿難

唐金字緘之號漢芝遵義人乾隆戊子舉人官屯留知

縣

詩話漢芝與龔安傅竹莊玉書猶西樵法賢玉屏田
康侯均晉稱詩黔中稱猶傅田唐鄭子尹以爲猶不
如傳傳不如田田不如唐近時陳松山給事則謂竹
莊稱首唐田肩隨惟西樵差後漢芝卒官竹莊哭以
詩有句日傷心應爲難將母篤行誰當似友兄漢芝
初就校官其兄漬齋錄知安州旣卒千里歸其柩乃
乞縣養母竹
莊詩故云

書傅素餘詩卷後卽以贈別

與子同爲客歸途卻異天苦吟消驛路遠夢入江船離隔
又今日唱酬知幾年懷余應有賦取次續新編

路邵字健夫號毅齋畢節人乾隆戊子舉人官鄞縣知

縣

詩話畢節路氏自毅齋先生至余姑丈訪巖先生世以科第爲宰官治譜詩篇相承不替姑丈尊人漁賓先生宰洛時嘗編次先德遺詩三世五家爲蒲編堂遺集又附其師熊步雲小橋詩鈔於後既彰祖德並著師資關潛發幽甚盛事也

卽景

雲邊樵徑草爲踪燕帶殘紅春意濃昨夜夢還家萬里今
朝愁對浪千重穿花飛出疏林鳥隔岸聲來遠寺鐘惟有
關山明月好一輪斜挂最高峯

王辰順字耕畚號葵塢西華人乾隆戊子舉人官南陽

教諭有蔡塢先生遺藁

途中阻雨有懷

定有清明日晨昏恨久違母應思子切天似厭人歸風雨
隨征蓋泥塗挽客衣家貧連下第鄉夢逐雲飛

錢九府字南浦密縣人乾隆戊子舉人有南浦詩集

楊柳詞

行行東陌頭楊柳垂煙霧昨日我故人歸去從此路迢迢
東望眼全被汝遮住

別離曲

別離苦別離頃刻天一涯斟酌臨別語無使憶來悲日月
不停川不息安得男兒無驅馳聊將杯中物重訂歸來時
來春未爲晚所慮或愆期車馬侍道旁加策竟去之眼見

車遙遙不聞馬蕭蕭獨餘千重恨
壓斷萬里橋橋頭楊斷
還續祝爾早黃復早綠

修德觀問道碑

古觀猶存問道名遺碑孤立幾朝更
龍蛇隱現風雷斷最
屨摧殘稷黍平筆力饒能師逸少
文心加怪祖莊生神仙
不信真無死極目荒原弔廣成

送鄉人

送爾還鄉去西風作意寒人家
如我問莫道客衣單
宋赫字東野撫甯人乾隆戊子舉人
有東野詩草

初至山中作

振衣尋鳥道高步躡雲根
松隱來時路溪流轉處村
草痕
青到寺山色碧侵門
不盡登臨興開軒對酒尊

建昌郭外

嫩柳垂垂照客顏
風光淡沲最相關
不知射雁村邊草
綠過溪橋第幾灣

雙鳳山寺

閒來暫許叩巖扉
樓閣雲深接翠微
三面青山一面水
隔林隱隱見僧歸

莊忻字虛庵陽湖人乾隆戊子副貢官邠州知州

送蔣健之出塞

清秋幕府集嚴霜
愛子從征赴朔方
遼海文章師李賀
帝城書札累陳湯
觚棱金爵三生夢
關塞青楓萬死鄉
何日雞竿看肆赦
還家猶得作臺郎

徐天柱字擎士又字衡南號西灣德清人乾隆己丑一

甲二名進士授編修有天藻樓詩橐

詩話德清徐氏自蘋村宗伯而下五世入詞館西轡復繼起曹地山宗伯贈以聯曰前生慧性摩鱗角六世清聲冠鳳池

龍井

幽竹一碧風篁嶺芙蓉疊疊靜如影危崖忽轉天光開涼
風吹我入龍井怪石牙錯天梯鉤疑有老龍蟠林邱樹杪
百泉流不斷老龍噴珠落天半巫簫蠻管紛駢闐共願老
龍醒不眠肥蠶旱魃不敢出仰見黑雲四面遮青天靈山
萬古爲民福汚邪處處箝車祝仙人煉丹幾千年丹成何
濟荒年穀甘霖頻歲沛郊垌不須禱祀仗神靈但使雨陽
慶時若老龍無靈同尺蠖

陳嗣龍字紹元號春澈平湖人乾隆己丑一甲三名進

士授編修歷官左副都御史

遂平館舍和褚筠心前輩韻

幾日看紅葉重來蔭綠天
霜華憑點綴樹影得清圓
讀書雲生壁敲詩硯滴泉
僕人貪偃卧那解愛便妍
旅跡原泥爪翃然客思增
林深遲夜漏風細颭秋鏡
小憩何嫌久迴闌取次憑
皇華期報國作賦敢言能

鄭際唐字大章號雲門侯官人乾隆己丑進士改庶吉士授編修歷官內閣學士有傳硯齋詩藁

送林心香南歸

作客歸云樂別人秋最難青衫仍短劍黃葉滿長安
薄宦淹微祿餘情昵古歡寄言慰石友此諾未應寒

伊朝棟原名恆瓚字用侯一字雲林甯化人乾隆己丑

進士歷官光祿寺卿有賜硯齋詩鈔

詩話雲林自少潛心理學從同邑雷翠庭副憲游得其指授通籍後浮沈郎署垂二十年晚躋卿寺遽得風痺疾未及大用嘗就養子秉綬惠州官署屬邑奸民謀亂提督標兵與之通乘綬捕獲渠魁請嚴治忤大吏意劾遣戍雲林據實具疏將上聞遂並被劾聽勘亂既益熾大吏倉卒自裁代者至勘得白復起秉綬知揚州一時想望風采詩亦風格道上吐屬莊雅於晉安十子後能自樹一幟者

黃瘦瓢山人 慎 歸自江南賦此索畫

扁舟醉遍秣陵酒華髮歸來猶夢思春水綠波江總宅夕陽紅樹小姑祠六朝往事吟詩遍萬里長江入畫奇最好白門煙柳色請從東絹發枯枝

過白溝河

蓼岸平沙盡日揚蹇驢孤客意茫茫白波一道通滄海紫塞千盤阻太行雲暗故山天共遠風清首夏草初芳瓦橋

關北頻年過莫照淪漣兩鬢霜

東城看杏花

月河寺前水滄滄聚星亭外草凝碧春郊一夜微雨晴曉
起紅芳俱弄色紫駟緩鞚出高城風拂青絲雙玉瓶幾簇
江頭初破萼一枝牆外半含英石壇花盛爲誰供姪姪曾
聞董生種道土董定字杏園見虞道園集白頭閣老醉看花紅袖傳詩共
吟諷殘劫恩恩五百年暝雲綠水花依然繁香疑是仙家
植浪蕊浮花何足憐尊前花恐薄寒中春雨江南人似夢
高格芳心愛者稀清吟與和流鶯哢

海淀次浩持韻

沙平草淺古牆根秋潦初消剩漲痕馳道如絃煙滿樹高
樓臨市水當門人家荷芰仍千頃帝里桑麻自一村更向

勺園尋往事頽垣猶護籜龍孫

送浩持之官江淮

班馬蕭蕭向路歧殘年風景雪飛時
梁園詞客無多在水驛梅花有幾枝
萬里洪濤消瓠子一鞭斜日過符離
才人綰綬年方少合有河隄使者知

讀書

勞謙神所勞德以儉爲柄露臺惜百金
雕牆乃有禁忍飢憶炙羊愛物真仁聖
惜福福來崇君慎臣宜敬奈何百爾
汰昏不知德行蠟薪乳蒸豚淫侈風
競勝來瑱與李鼎實爲前車鏡見素
俗還淳檢欲神安定見道經大造惡驕奢
凡百其敬聽

風雨上於天地不擅功名語本繁露無成代有終臣道惟利貞

鬼神實福謙天道常惡盈勳高多亢悔菹醢及彭英淮陰
功震主奚復誇智能亞夫顧尚席驕憤何不平主非忌寡
恩臣自昧寅清李曾戒齒剛孔亦鼎垂銘誰從赤松游干
春仰鴻冥

汪刺史守愚修元遺山先生墓詩以紀之

金源有詩人文采兼亮節瓣香紹坡谷夕秀啟虞揭同時

李汾與辛愿頰首敢頡頏孤臣念君國白雪盈華髮青城

閱古今日望蔡州位國亡不復仕著書自怡悅遺墓傍五
花七字表荒碣閱世五百年白楊風淒咽殘碑牛礪角華
表採樵折耕稼魏公莊後嗣誰撫卹忻州值賢牧異代弔
往哲新營文獻祠杞菊薦蠲潔吾讀中州詩仰止先生切
賸欲驅車遊遺像晉拜謁振衣野史亭憑眺延山月悵望

寄千秋此願空蘊結

雜詠

君子同而異黨伐古人惡高密富詁訓吾道已東著禮堂
百萬言惜哉半殘蠹文公起南宋大道同其庶六經日再
中一掃彌天霧義勿徇鄭王言或刪申固緣衣之辭豔妻
朱子從毛而舍鄭七日來復王弼解爲七月先甲先鄭異義
庚鄭皆與王異朱子又舍王而從鄭此類不可枚舉黨同
不可爲立異豈宜務要在闢荆榛廓如歸正路康成固可
宗援緯得勿誤辦香接洙泗金宜紫陽鑄後儒袒漢人徒
列五石瓠

夢游廬山得句醒後成之

碧峯傑出南斗旁敷淺原邊曾一望乙未冬日過別來廿
年忽縈夢匡君招我採芝洞我時手攜綠玉筇腳底踏破

雲千重雖無冷然御風術濟勝尙能登硯肆廬山之高兮
高如上青天上九疊青冥之巖嶂下有九支繚繞之長
川水簾迷舊谷瀑布尋開先何人身立箕尾上手挈銀河
倒瀉青峯巔天風飄蕩吹不斷江月空濛照愈鮮千巖萬
嶂數名勝迴崖沓嶂適幽興簡寂庵空落照來淵明醉石
霞高映青葱佳蔭竹樹多參天松柏纏女蘿草堂尙見苔
滿砌墨池猶想煙籠波蓮白睹龜游杏紅遣虎守鹿祁祁
以成羣鳥嚶嚶而求友五老雲深三秀馥瑤草琪花任人
取廬山之高兮高不數五岳盛唐天柱如兒孫七澤五湖
似杯杓指白馬於吳閶小朱方之城郭捫參拍井無尋尺
俯見虛敖升碧落松根有仙坐賭棋橘中藏叟歡留博欲
求駐景方贈我長生藥還精補腦鍊金骨虬鸞遊戲千春

樂吁嗟乎人生樂事本有涯
夢魂猶靳耐煙霞一覺仙山
比幻景松筠猿鶴何之耶
古來萬事皆如此蝴蝶華胥
皆夢耳匡君匡君途已熟
從今夜夜夢應續數椽真欲
結峯麓中有藏書堪借讀身
閑長抱白雲宿

九日舟中

豈不慕吹帽其如羸病何
花香開愛晚酒冽勸嫌芻葉
落寒江闊猿嘯翠峽多
佳辰偏草草勞者自興歌

懷羅浮

浮山自海來附羅峙爲一號
離明之陽宮爲耀真之陰室
與茅山而潛通捫女牛於屹
嶠洞穴徵寶衡海靈紛雲術
十大洞天此居其七于焉逍
遙古多羽客安得仙家綠玉
杖拄到峯巔壯游畢我所懷
兮峯之東巨人之武留仙蹤

冲虛觀外有丹竈欲往從之雲蒙蒙我所懷兮峯之西延
祥寺高七星迷五百羣真會華首欲往從之道逶迤我所
懷兮在山北酥醪觀亦葛仙宅學道長期謝世緣欲往從
之煉金液我所懷兮在山南長壽觀望通天巖銅龍啗虎
守戶側欲往從之結蒲庵我所懷兮山之頂上界三峯峙
若鼎石樓聊憩雲滿身來往鐵橋僊接引三千餘丈狺天
關八埏三島一覽收全景稚川爲我師更遇黃野人乞得
丹砂訣洗伐全天真毒龍可制害馬空自古聖賢道皆同
爰基曾此鞭青虹大還丹轉坎離融吮鼎犬亦飛雲中羅
浮便是仙靈窟奚必侈談蓬壺崑閩與崆峒

書尙書古文孔傳後

魯恭王壞孔子宅絲竹之音出四壁中有古文維尙書安

國得之如拱璧奏朝擬請立學官巫蠱事起遂中格公孫

嗣位耽名律博陸不學遺經籍昇平尙亡三篋書武帝况

值漸臺兵火迫古文之亡張霸偽篇紛然淆七緯書尤聲

赫赭白水真人亦好識明章後始垂典冊馬鄭大儒皆讀

緯誰從孔壁探舊策高密未觀真古文遇所引書皆註逸

典寶鳩方履鼎陳汨作九共爭指摘何人私獲安國書匹

夫懷璧深藏匿永嘉之亂戎車逼浮江遂逐五馬迹斯文

天道呵護深先聖神靈永珍錫至寶誰呈喜壁全豫章內

史梅名蹟黑白辨矣定一尊釋文正義確不易陸德明孔

孔傳六朝以來無間然千餘年人心帖懌劉氏知幾著史

通亦爲古文立赤幟帝王之道本於心中多二帝派傳嫡

豈惟淵雲夢未窺董賈猶爲戶外客何物小儒作疏證邪

辭欲奪談經席毛氏亦好詆前賢儀禮妄思辭而闕說詩
斥序考亭功毛力攻朱如勁敵獨爲此書樹屏藩十目羅
羅應紀績毛西河尙書古文苑詞分爲十目足闕闕百詩之口

吳壽昌字泰交號蓉塘浙江山陰人乾隆己丑進士改
庶吉士授編修歷官侍講有虛白齋存稟

嚴陵釣臺

嚴灘片石舊漁磯隱士曾經入帝畿應悔羊裘招物色釣
師祇合著蓑衣

邱二至山孝廉藏古墨百十二家旣以顏其齋丙戌
春入都時於寓齋出以觀客屬余紀詩

吾友古聞人好古富詞翰長安居再憖城東張高館訪之
榻無塵圖史堆几案須臾陳錦匣未啟手先盥中藏舊隄

糜糾整不可亂形模盡琮璧款識雜銘讚幽香與古光拂
拭難爲判予觀故用嘲君癖同好鍛胡不圖博古彝鼎爭
愛玩否則譜書畫宣和跡重按抑或錄金石庶用資講貫
正史訂旣訛舊聞證未散斯乃膠煙姿歲久成漫漶廷珪
永已矣是物無長算邵羅暨方程孰爲諸家冠卽今重曹
氏紫玉等旣灌著錄冀流傳質亡名誰惋矧乃置不用什
襲加防扞何如之五都一丸購新爨持以狎丹鉛塗改復
點竄有用貴珠璣無用賤薪炭君笑直至矧謂予苦相難
同一嗜古癖奚爲分畔岸寓意不留意昔賢片辭斷所聚
雖我好不假遊囊換品羅百十二持贈居其半以彼膠漆
交獲此雲煙看浮生恰與偕摩娑生璀璨不受卽墨封不
學子墨謾行將守吾齋心清參鼻觀奈何米家船揭牌暹

汗漫感君達士懷，媿予言河漢五陵事。裘馬知白孰爲贊，我非豪奪人完歸。復何憚。

贈百十三歲老人王司業南亭先生

名世芳字徽德天台人

國家太平古無比，仁壽紀年百餘矣。弧南一星位丙丁，牛斗之墟夜芒指。翁家天台瀨小海，風俗淳樸致堪喜。是間淑氣厚鍾毓，特爲盛時彰瑞美。百齡孝子翁，先人秩視更老榮鄉里。翁尊人名永沂有孝行諸孫膝下羅來鬲翁見壽百有三歲授官八品孫六代共享期頤克家子。翁子長者年近九十自言少時膽氣粗，報仇夜斫賊營裏。裏瘡不辨血模糊，至性所生非聊爾。中年折節伴螢蠹，兀兀窮經作髦士。揮金但學管甯鋤，決踵肯慙原思履。關干首舊廣文甄，九十六齡得官始。秩滿朝天獲晉秩，其時歲適逢辛巳。次年屬車莅吳會，率先黃髮清塵俟。

耆儒屢邀天語褒綽楔宸章鈐寶璽邇來國慶正稠疊率
土普天皆鵲起去年翁至坐蒲輪親祝聖齡習拜跪篋貯
上方麟趾金衣裁內府鵠頭綺今歲慈甯開八袞翁切呼
嵩復至止香山圖繪今昔同天子推仁首尙齒再看頭銜
賜新換御題榮寵沾蕃祉優禮無殊隆憲乞懿嘉洵足著
惇史翁爲人瑞古所無如雲五色芝三藥長身七尺清且
癯行不支筇坐不几擘窠書成慣贈人箕疇一壽義取此
翁多書壽字如擘窠大山程水驛詎云遠十年三踏長安市長安紛
紛聚冠蓋識面籤鏗與李耳我生四十猶壯年視茫髮蒼
負強仕苦求急景免凋顏每乏奇方學洗髓對翁長松古
柏姿蒲柳凡材安足擬吾聞天台山高萬八千丈中有石
室金庭共崑崙第一洞天記道書草多長生藥不死欲從

世田系言卷之三
三ノ
翁覓翁不言但言神仙之術荒唐非吾以乃知壽民關壽
國導引延年無其理不然正當王母介福帝臚歡豈無控
鶴驂鸞先翁降金叱

題馬香谷所藏王履吉借券手蹟

雅宜山人品最高夙尙邱壑懷清操陶謝詩格力摹古鍾
王墨妙勤揮毫爾時吳中盛風雅從容壇坫來英髦袁家
伯仲文父子一門名譽無凡毛山人結交殊不俗往往觴
詠稱吾曹卽憑遺券證往蹟姓氏落落參翔翔券中借主
爲袁與之
居間爲
文書承因思山人潔持已不苟一介防貪饜乞米大夫豈
得已與錢司業非濫叨相須緩急亦偶爾約劑貸息心勞
勞此非財賄屑計較或懼嫌隙由錐刀名流瑣事昔爭羨
高人絕藝今重遭我觀筆勢特勁逸戲鴻舞鶴離塵鷺流

傳片楮等尺璧不待碑板光難韜往時長史判牘尾公庭
賺取滋喧嘈將毋此券亦類是那忍焚折傷堅牢馬君吳
人僻嗜古所好物聚煩爬搔有時傾囊破羞澁索及賸錦
搜殘膏其鄉佳話奔行篋紛羅題識追風騷慎無展卷起
三歎金盡復來聊自豪

任大椿字幼植號子田興化人乾隆己丑進士授禮部
主事歷官御史有子田詩集

詩話子田以上第屈居郎署纂修四庫書禮經哀輯
爲多經學訓詁晚益遠密早以詞章擅名詩工樂府
及五言英光沈思遠
追鮑謝近攀韋柳

平望道中

出郭星已闌解纜潮將歇燭滅蒲塘深去棹何忽忽宿酒
破餘醒西風吹殘月乍別易懷人欲寐屢搔髮如何將客

心一權兩絲白

春日柬懷王叔華

咫尺山河見面疏，游情空似馬相如。
懷人夜雨搔雙鬢，孤館桃花到尺書。
贈我明珠藏錦篋，知君歸夢在園蔬。
芳洲擬送江南權，更向春風問起居。

天門開

天門開光煜燦，流紫壇輝日壑仰。
帝閣橫斗杓，珠熒黃相璣。錯皇駟騫騰，格澤回薄歷。
次十二畢會其絡，拂鉤陳九旒。翻游極下闕，端門圓靈躍。
乎金穴羲曜起於天，根火齊爲階玉砌。垣中有銀潢，貫其藩乘雲。
駢駕鸞輓裔裔，詆詆往若疑。神光滉蔚臚所知，如歷中垣卽靈威。
金薄華蟲擢鈐綏，丹書綠字天語奇。用褒姬德錫乾儀，聿撫九有萬億。

期

雜詩

鴛言游廣陌樓觀何煌煌飛螢倒薤垂反宇陰虬翔文綺
交四隅玉壘羅中央交錯盡三爵起致丈人行朝暮異今
昨襟帶成參商愁人易爲樂短歌亦能長毋辭桂醕傾繼
以蘭膏光香檀撥冰柱春醪炙柔簧樂闋眾賓散起瞻天
兩霜

伯牙師成連神契良獨難移以寥廓情置諸恂悅閒遂撫
白玉軫俯仰時一彈孤桐自有調大海自有瀾願言心所
契忽復忘其端樂苑工笙竽應節舞七盤朱絃祕不發中
心自盤桓

白馬篇

少年氣概雄坎壈亦因之親舊爲我謀直視無一辭別有
不移志不敢生餘思顧馬馬頭昂爲我窮四垂萬里何足
虞尺步良易歧心忌不能下能下才愈奇自謂探榆塞安
知入焉支按轡不輕入久立審所疑開弧聽朔風側見陰
山低慮定神乃縱一往誰復羈彼亦羽林客上下從我馳
乃知自立者何取驕人爲少年無深謀休用此驍騎

泛舟城北入山水深處

揚舲展佳興回望石首城路迴狀頻變意愜迹反輕入峽
若無地過壁湍漸平馳情眺絕島已發疑未行涼颺過兩
巖空翠微有聲潺湲忽在上仰見大壑橫深溪曉逾靜咳
噫皆分明密竹轉孤權初日淡已盈迴艫返舊渚歷歷想
所經夙耽謝公癖逸境終難名

晚泊江口登燕子磯

近暝泊迴渚舍檝步山陬過寺地逾曠近壁磯忽道巖寂
語易喧日籟聲如留船火乍通陸夜漁忘故洲初至俯近
林旣定聞遠流落月與江邈去去神夷猶持此蕩塵慮延
佇情悠悠未謝秣陵境颯然驚暮秋願延阮公屐領此山
林幽

真州道中望瓜步諸山

晨光薄晴靄鼓枻玩清漣小因風湍息遞望瓜洲山不惜
邈難見易見姿不妍低峯看易盡獨愛峯際天中流乍回
首杳渺真州煙展眺興難竟擁楫思綿綿

鮑之鍾字雅堂一字禮鳧號論山丹徒人乾隆乙酉召

試授中書己丑進士歷官戶部郎中有論山詩藁

詩話雅堂爲海門徵君子乙酉召試第一以初月賦
爲劉文清所賞後官郎署與洪北江吳穀人趙味辛
唱酬法梧門稱爲詩龕四友北江評其詩如
崑崙琵琶未除舊習蓋詩派趨向不同也

廣陵中秋待月

竹西高館坐披雲，霽少陰多客思紛。
秋到此時剛一半月，從何處得三分。
鐙殘別館和煙溼，葉走空階雜雨聞。
似有簫聲橋畔路，酒闌惆悵杜司勳。

晚抵彭城渡河

亂山行欲盡，落日大河橫。
水長頻移渡，隄高半掩城。
黃樓迷處所，白塔最分明。
暝色沙橋路，弓衣數騎行。

題謝薌泉侍御金焦放舟圖

謝公只愛東山住，未識金焦兩點青。
何似稱詩狂御史，相將放櫂古中泠。
天空鏡吹驚秋籟，波靜魚龍避使星。
我自

菰蒲慚舊隱十年孤負草堂靈

暮抵潭柘寺

峯峯帶夕陽倏已落山背參差樓殿影遠山藤蘿外沿緣
白石灣豁開青蓮界鬱然松檜深金剎山門大撞鐘千指
集洗鉢諸天會遂登般若壇一覽眾峯最暝色到來遲蒼
崖猶可繪尋幽非易竟日夕亦云愒一覺到僧牀潺潺枕
邊瀨

歷游三山大悲諸寺

山深趣不窮寺古荒亦妙我來值秋晚霜葉紅如燒徑曲
遂幽尋峯明宜遠眺坡陀上下竺歷落東西廟白塔出青
林紅亭圍碧沼蒼黃非一狀巖壑各爭峭崦外遞鐘聲雲
中間語笑興餘留不盡佳處求其要返景入空林濛濛子

規叫

贈嚴冬友

淮南秋杪見飛鴻
萍梗無端接遠風
海內有情吾輩在
天涯多病幾人同
殷勤酒盞違官閣
珍重吟箋託釣筒
柳色已殘梅信早
憑誰折寄慰恩恩

丁卯橋邊舊有村
維舟相訪值黃昏
客愁近轉山陰楫
鄉夢遙連白下門
雲暗西津分雁影
月明南浦失潮痕
林宗此日方游藝
翦韭何人共夕飧

沉陵七夕同德樹堂江上夜坐

天涯此何夕
斜月一鉤閒
共坐清沅上
迴瞻碧漢間
魚龍潛澤國
鐙火動江關
竟夜看雲度
雙星帶楚山

潘奕雋字守愚號榕皋晚號三松老人吳縣人乾隆己

丑進士歷官戶部主事重宴恩榮賜四品卿銜有三

松堂集

詩話榕皋殿試以第八卷進呈引見不至降三甲末初官中書劉文正指之日此杜老所謂天子呼來不上船者後猶子芝軒相國登第歸娶繪秋帆歸興圖爲題句有云天子呼來不上船元臣帶語一時傳錦標奪得全家喜振觸前塵廿五年中歲歸田壽躋大壑漫游林下凡數十載詩皆和平閒適高致可挹

出都口占

久病倦於客思親應自歸敢希宏景志庶息漢陰機旅雁
驚人起孤雲傍岫飛片帆秋色裏直指舊漁磯

趙州南金山寺小憩

長路晨曦赫高亭大道遮閒參獅子座來喫趙州茶砌繞
涓涓水益開豔豔花峨眉談往事笑我尙思家

荊州懷古

秋入江城暑氣微參差屋瓦帶斜暉渚宮煙冷蘋花老沙
市風清燕子飛南渡功名人事異三分割據霸圖非曲江
樓上憑闌久一片濤聲上釣磯

信宿鎮遠

落日依闌坐西風掠鬢絲城臨苗子砦樹隱竹王祠邊微
秋生早危岑月上遲輶車何以滯邀我賦新詩

程易田鄭公釣臺卷

富登渡口懸厓石岌嶸凌波勢百尺師山垂釣非釣名壁
立清風緬遺蹟忠宣舊鎮皖公山大書突兀留孱顏至今
精氣兩不泯仰止齋邊時往還剡苔誰識闡幽意鐵索金
繩露奇字作記還聯翰墨緣哦詩重話滄桑事斜日林巒
遠靄生眼中漁弟與樵兄當時萬事歸變滅但此雪蒲留

虛名殘篇剩墨嗟零落石田篁墩老巖壑湖岸菰蘆風雨
斜草堂竹樹雲煙絡橫幅摩挲與不孤新圖舊刻好重摹
人間俯仰成今古此畫此詩何可無

移居詩

勞生織路不常居廣廈千間願總虛屏跡此心齊木石安
神無夢到軒輿南阡東陌游非遠紙閣蘆簾意儘餘莫笑
腐儒家具少阜廚還有未看書

巡檐徙倚眄庭柯鳩拙居然占一窠敢覬逍遙重闕館不
妨安樂襲名窩操鎔初謝王承福種樹新延郭橐駝幽興
漸添秋漸爽退翁心事未蹉跎

張塤字商言號瘦銅吳縣人乾隆己丑進士官內閣中
書有竹葉庵集

詩話瘦銅與翁覃溪孔蕙谷游喜考訂金石書畫詩
才秀健後乃出入山谷后山每作盤空硬語王蘭泉
取其詠新豐云百家雞犬英雄宅萬歲枌榆故舊情
夜宴云花露半晴題卻扇人扶殘醉唱迴波稱爲工
麗而病其時有打油釘鉸之習洪北江亦謂其詩如
廣筵招客問離屠沽各有愛憎正可得失互證也

峽江縣

縣城此荒迴旅泊良可哀山勢自南來江聲臨北開野人
伐苦竹落日銜層臺秋風銜石壁天漢清無埃酌酒看鴻
雁憐渠同我來

黃金洲

秋草沒野渡日淡黃金洲水鳥具靜態腳踏煙波浮不知
何所驚又飛十步留人語尋巖際風力迴沙頭豁然帆勢
盡一落空山樓

次新安縣

縣城孤迥護重關天許青山四面看紅柿人家沙路淨白
楊風色澗聲寒馬留破驛其成束人上荒臺月半九一宿
恩恩便將去料無遺累到猪肝

古北口

地盡中原山天挂秦時月喜峯連居庸夾此青砮砑一騎
容關門千秋幾戰伐沙清走野兕日落剩飛鶴乃見長城
下僅卧白頭卒近來關內民關外來耕垡冥冥古樓堞荒
荒無邏訐真笑前人忙龍蛇膠齧齧

次三道梁同述庵通政對月并題其詩卷後

看月山梁山翠無月中相對話榮枯十年慈母雙行淚萬
里歸裝八陣圖名士縱橫能仗劍詩篇強硬亦彎弧慰忠
祠記蒼茫在又爲知交一歎吁

李因培字其材號鶴峯晉甯人乾隆乙丑進士改庶吉

士授編修官至湖北巡撫

詩話鶴峯入詞苑而邀特擢不數年卽至閣學出爲學政先江後浙更歷四任屢遇巡方奏對必稱旨旋開府楚中乃以未糾屬吏虧帑遽坐欺罔傳重比綜其初終受知甚深擢副亦甚酷裕陵馭羣臣恩威不可測如是

清平縣

山縣孤城破流官守禦遲天風搖斷角客路入征鼙小醜三年在殷憂萬里知側聞明聖詔罪不到邊夷

歸思

池塘午夢正依稀離緒頻隨柳絮飛廿四番風花欲半八千里路燕難歸瀛門天上通青瑣蘿屋山中冷翠微不去不鳴緣底事眼前梅雨又侵衣

陳庭學字蕊浹亦字景魚宛平人乾隆己丑進士歷官
陝西漢興道有塞垣吟草

春夜

春夜掩柴荆耽吟夢未成窗風生暗籟檐雨亂疏更一硯
磨人老孤燈達曙清城開南嶺霽煙翠半江橫

伊犁謫居十有三年聞有放歸之命感賦

雪燼雲看塞上過氈鄉詩得室中哦事無可覈殘書少足
未曾經幽勝多博望遺聲想笳吹柳州續響壯饒歌廢材
幸博新銜賜十載誰期鬢易皤庭學自王寅遷謫伊犁王
子授主事銜距今甲寅十
三稔矣

張翹字鳳颺號桐圃武威人乾隆己丑進士歷官湖北
荆宜道有念初堂詩集

夜宿山村

一望人煙少，孤征近夜昏。
鐘聲何處寺，客宿半山村。
草響蛇尋穴，風腥虎過門。
平生愛巖壑，今日始銷魂。

陳朗字泰暉，號青柯平湖人。
乾隆己丑進士，歷官撫州知府。
有青柯館集。

楚江返櫂

雨止月未上，蕭蕭楓葉丹。
柁聲放溜急，帆影入雲寒。
村酒難成醉，旅愁耐可寬。
扣舷何處客，漁火在前灘。

送姚姬傳郎中歸桐城

君非不得意，欲返龍眠山。
此日辭青瑣，先期放白鷗。
甯貪解帶樂，爲戀舞衣斑。
宛水流千里，郵筒寄莫慳。

朱紉蘭字秋漪，南昌人。
乾隆己丑進士，改庶吉士，授知

縣懸官永順同知有愚情山人詩鈔

晉州感興

隔歲久行役登臨欲語誰秋聲鼓子國日落魏公祠霜意
推冬令笛聲生暮悲遙憐蘆蓼岸正是雁來時

魯仕驥原名九皋號絜非江西新城人乾隆己丑進士

官夏縣知縣有山木居士集

詩話絜非治行文學並著於時其文之樸厚在西江
諸家中足以上掩三魏甥陳碩士侍郎初從受學後
傳惜抱之法真實處或不
及也詩爲餘事要歸醇雅

秋夜客懷

人生遠離苦最苦秋夜關况我孱弱息終年背鄉關悠悠
日復日會當何時還時至氣候變得毋衣裳單衣單固足
念所期日加餐皓月照庭隅徙倚生感歎

寒蟬號高樹蟋蟀吟羅幃此時涼風起蕭蕭入深閨君子
遠行役悠悠我心思容華不足念但感久別離舟行願無
波車行願無泥驅車望鄉邑歲晏當來歸

庭前紫荆樹豔麗正著花如何風雨至摧殘忽交加枝葉
半顛頽葆養此根芽人生骨肉情覩此足歎嗟亡者既已
矣在者客天涯及時莫遠遊丈夫當懷家

晚晴移詩匯卷九十三終